

82365

Canzoni napoletane

B. II. 274


0.25

Num. 1056

'O primm'Ammore

Musica di S. GAMBARDELLA

Versi di P. CINQUEGRANA



1.

'O primm'Ammore, oi né, che bella cosa!...
 Che tennerezza!... Che suspire e vase!...
 'A nammurata toia nun arreposa!...
 Da chillu barcuncello jesse e trase!...
 'O primm'Ammore, oi né, che bella cosa!...

Mocca tiene 'e caruofene,
 e nfronte 'e giesummine...
 Dint' 'a chist' uocchie lucene
 doje turchenelle fine!

Mmiez' 'a sta faccia tiene
 doje fusetelle, oi né...
 Una nee attierre a màmmeta,
 n'ata nee attierre a mme!...

2.

'O primm'Ammore, oi né, che cosa bella!
 Nuje simme tutt' 'e duie piccerille...
 E chi ce 'a leva cchiù sta passiuuncella?...
 mammà e papà ànno voglia 'e menà strille.
 'O primm'Ammore, oi né, che cosa bella!

Mmocca tiene 'e caruofene, ecc.

3.

'O primm'Ammore, oi né, che bella cosa!
 Ajere te sceppaie 'o primmo vaso...
 'O sciato t'addurava 'e melarosa!...
 L'addore ancora mmocca m'è rummaso!...
 'O primm'Ammore, oi né, che bella cosa!...

Mmocca tiene 'e caruofene, ecc.

È assolutamente proibito adattare sulle musiche di proprietà della Casa F. BIDERI altri versi che non sieno quelli originali — Pei contravventori si procederà a norma di Legge

Proprietà letteraria — Tip. Editr. Bideri — S. Pietro a Majella, 17. — NAPOLI

Deposito presso la Società Libreria Italiana — 129 Broadway and 147 Mulberry St. — NEW-YORK



Miliani

'O primm'Ammore

Musica di S. GAMBARDELLA

Versi di P. CINQUEGRANA

Larghetto

MANDOLINO

